

Իրանը նախագգում է «Ժողովրդագրական էքսպանսիան»

Հարավային Կովկասում

ԱՌՎԱԿ կենտրոնի մեկնաբանությունը, 18.06.2024 թ.

10.06.2024 թ. Իրանի արտգործնախարարի ժ.պ. Ալի Բաղերի Կանին *CNN Turk*-ին տված հարցազրույցում նշել է, որ «*Թեհրանն աջակցում է Երևանի և Բաքվի միջև հարաբերությունների կարգավորմանը, սակայն դեմ է ցանկացած նախաձեռնության, որը կարող է փոխել սահմաններն ու ժողովրդագրությունը տարածաշրջանում*»: Այդպիսով, իրանական կողմն առաջին անգամ հանդես եկավ ոչ միայն որոշ ուժերի՝ տարածաշրջանում սահմանները փոխելու ծրագրերի հետ Թեհրանի անհամաձայնությունն ընդգծող (նկատի ունի Անկարայի և Բաքվի՝ «Զանգեզուրի միջանցքը» Հայաստանից օտարելու ցանկությունը), այլ նաև՝ տարածաշրջանի ժողովրդագրական քարտեզը փոխելու մտադրություններն սկզբունքորեն մերժող հայտարարությամբ:

Ըստ էության, Բաղերի Կանիի «*Ժողովրդագրական փոփոխությունների*» մասին խոսքերը պետք է հասկանալ երկու հարթությունում. դրանցից առաջինն ակնհայտորեն կապված է պաշտոնական Բաքվի՝ 1988–1990 թվականներին հարևան հանրապետությունը լքած «*100-ից 300 հազար*» ադրբեջանցիներին ՀՀ «*հայրենադարձելու*» մտադրությունների մասին Ադրբեջանում խոսակցությունների հաճախակիացման հետ: Բուն Հայաստանում լուրեր են տարածվում Ղարաբաղյան հակամարտության բռնկման հետևանքով հանրապետությունից հեռացած ադրբեջանցի ընտանիքներին ՀՀ Գեղարքունիքի, Սյունիքի և Վայոց Ձորի մարզեր զանգվածային վերաբնակեցման գործընթացի կազմակերպման վերաբերյալ Երևանի և Բաքվի միջև իբր գոյություն ունեցող պայմանավորվածության մասին:

Իրանի արտգործնախարարի ժամանակավոր պաշտոնակատարի հայտարարության երկրորդ ասպեկտը պետք է կապել արցախցի հայ փախստականների խնդրի հետ, որոնց վերադարձի հարցը այս փուլում լիովին «*դուրս է մնացել Հայաստանի և Ադրբեջանի միջև հարաբերությունների կարգավորման*» միջազգային օրակարգից: Զուգահեռաբար, Բաքուն ակտիվացրել է իր քայլերը Լեռնային Ղարաբաղում նոր բնակարանային ենթակառուցվածքների զանգվածային կառուցման ուղղությամբ, որոնք, ըստ Ի. Ալիևի և նրա կառավարության անդամների հավաստիացումների, նախատեսված են ադրբեջանցիների համար:

Հարկ է նշել, որ Իրանի հյուսիսային սահմանամերձ շրջանում հնարավոր լայնածավալ ժողովրդագրական փոփոխությունների հետ կապված իրանական պաշտոնական կողմի մտավախությունները դժվար թե հիմնված լինեն հայկական և ադրբեջանական լրատվամիջոցների լուրերի կամ հրապարակումների վրա: Թեհրանն

ակնհայտորեն ունի բավարար աղբյուրներ հայ-ադրբեջանական բանակցությունների օրակարգի մասին պատկերացում կազմելու համար և իրավիճակը վերլուծում է իր տվյալներին համապատասխան: Այս վերլուծությունն էլ վկայում է չափազանց վտանգավոր միտումների մասին հենց Իրանի համար: Այս լույսի ներքո էլ պետք է մեկնաբանել Ալի Բադերի Կանիի հայտարարությունը, որը նախազգուշացնում է Թուրքիային, Ադրբեջանին և նրանց հովանավորող համաշխարհային կենտրոններին զերծ մնալ տարածաշրջանում ժողովրդագրական էքսպանսիայի փորձերից, որոնք ուղղված են Հայաստանի ինքնիշխանության վերջնական ոչնչացմանը և Իրանի հյուսիսային սահմանների մեկուսացմանը:

Թեհրանի համար, սակայն, խնդիրը միայն տարածաշրջանում ադրբեջանական ժողովրդագրության ընդլայնման վտանգը չէ: Դժվար թե Իրանը ուշադրություն չդարձնի այն նրբություններին, որոնք վկայում են Ադրբեջանի կողմից իրականացվող շատ ավելի հավակնոտ սցենարների հնարավոր առկայության մասին: Այսպես, օրինակ, հարց է առաջանում, թե ո՞վ է բնակեցնելու Արաքս գետի երկայնքով գտնվող տարածքները (Զանգեզան, Կուբաթի, Ջեբրայի), ինչպես նաև նախկին ԼՂԻՄ-ի փաստացի տարածքը, եթե Ալիևը նախատեսում է Հայաստան տեղափոխել 100-ից 300 հազար մարդ, իսկ 2024 թ. հունվարի 16-ին հաստատված ընդհանուր համաձայնագրում Բաքվի պլանը ներառում է 600 հազար մարդու հաշվարկով երիտասարդ ընտանիքների համար բնակելի համալիրների կառուցման ծրագիր: Որտե՞ղ է Ալիևի ռեժիմը պատրաստվում հավաքագրել անհրաժեշտ մարդկային ռեսուրսները ոչ միայն սեփական «ինքնիշխան» տարածքների, այլև հայկական շրջանների ինտենսիվ բնակեցման համար, եթե հանրապետության հայտարարված բնակչության զգալի մասը (մոտ 2-3 մլն մարդ) ապրում են Ռուսաստանի Դաշնությունում, Թուրքիայում և Եվրոպայում: Ո՞ւմ հաշվին է իրականացվելու ՀՀ-ում «էքսպանսիան» և հանրապետության հարավարևմտյան ընդարձակ տարածաշրջանի ժողովրդագրական հավասարակշռության վերականգնումը:

Հաշվի առնելով Բաքվի ծրագրերի և իրական հնարավորությունների այս բոլոր ակնհայտ անհամապատասխանությունները՝ Թեհրանն ունի բոլոր հիմքերը կասկածելու, որ ծրագրում կարող են ներգրավված լինել տարածաշրջանի և, մասնավորապես, Արցախի և նրա հարակից շրջանների հետ կապ չունեցող էթնիկ տարրեր: Դրանց թվում են, օրինակ, այսպես կոչված «Իգդիրի ադրբեջանցիները», սիրիացի թուրքմենները և մեսսեթցի թուրքերը, որոնց Անկարան մինչև վերջերս անհաջող փորձում էր կրկին ներառել Վրաստանի ժողովրդագրական պատկերում: Այս խմբերի էթնոլեզվական նմանությունը և նրանց միջև ազգայնական տրամադրությունների բարձր աստիճանը կարող են բավարար խթան հանդիսանալ Հարավային Կովկասի ժողովրդագրական վերափոխման նախազգում նրանց ներգրավվելու համար:

Ըստ ամենայնի, Իրանը հաշվարկում է վատագույն սցենարները և հստակ գիտակցում է թուրք-ադրբեջանական հնարավոր ծրագրերի գոյության վտանգը: Պատահական չէ, որ Իրանի արտգործնախարարի ժ.պ. Ալի Բաղերի Կանին թուրքական *CNN* ծառայությանը տված հարցազրույցում արտահայտել է իր կտրականապես մերժումը ժողովրդագրական վերափոխումների վերաբերյալ, քանի որ Իրանը Անկարային համարում է Բաքվի ոգեշնչողը և Իսլամական Հանրապետություն անվտանգությանը սպառնացող սցենարի սովերային նախաձեռնողը: